

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Tekući transfer za JU Institut za zdravlje i sigurnost hrane Zenica – Projekat HPV vakcinacija“ Budžeta Zeničko-dobojskog kantona za 2024. godinu-Izvor 10 broj: 02-11-2658/24 od 09.02.2024. godine, na prijedlog Ministarstva zdravstva, Vlada Zeničko-dobojskog kantona, na 24. sjednici, održanoj dana 19.04.2024. godine, d o n o s i

O D L U K U

o odobravanju sredstava JU Institut za zdravlje i sigurnost hrane Zenica za sufinansiranje Projekta HPV vakcinacija

Član 1.

(Predmet)

Odobravaju se sredstva JU Institut za zdravlje i sigurnost hrane Zenica u iznosu od 100.000,00 KM (slovima: stotinu hiljada konvertibilnih maraka) za sufinansiranje Projekta HPV vakcinacija u 2024. godini koji obuhvata sljedeće projektne aktivnosti:

- a) istraživanje znanja, mišljenja i stavova o HPV vakcinaciji,
- b) planiranje i dizajn kampanje,
- c) edukacija mladih osoba,
- d) edukacija zdravstvenih radnika,
- e) edukacija roditelja i školske zajednice,
- f) edukacija opšte populacije korištenjem društvenih mreža,
- g) unos podataka i statistička analiza rezultata anketiranja,
- h) priprema izvještaja projekta i
- i) prezentacija rezultata projekta.

Član 2.

(Analitička konta)

(1) Sredstva iz člana 1. ove Odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX015, pozicija „Tekući transfer za JU Institut za zdravlje i sigurnost hrane Zenica- Projekat HPV vakcinacija”.

(2) Sredstva odobrena Odlukom će se transferisati u ukupnom iznosu na žiro-račun JU Institut za zdravlje i sigurnost hrane Zenica broj: 1995130020696511, otvoren kod Sparkasse bank, na osnovu ove Odluke.

Član 3.

(Provođenje Odluke)

Za provođenje ove Odluke zadužuju se Ministarstvo zdravstva, Ministarstvo finansija i JU Institut za zdravlje i sigurnost hrane Zenica, svako u okviru svoje nadležnosti.

Član 4.

(Izvještavanje)

(1) JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava, dostavljanjem izvještaja o utrošku sredstava za realizaciju programa/projekta za 2024. godinu do 31.01.2025. godine.

(2) U slučaju nepostupanja prema članu 4. stav (1) ove Odluke, JU Institut za zdravlje i sigurnost hrane Zenica je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Ova Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-7810/24
Datum, 19.04.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x JU Institut za zdravlje i sigurnost hrane Zenica,
putem Ministarstva,
1x „Službene novine Zeničko-dobojskog kantona“,
1x a/a.